

**Пресвятая Богородица, моли Бога о нас!**

**Акафист Пресвятой Богородице пред иконой «Казанская»**

--

### **Кондак 1**

Избранной от всех родов Заступнице рода христианского, покровом Своея благодати покрывающей страну нашу православную, благодарственная пения приносим Ти, Богородице, о явлении чудныя Твоея иконы. Ты же, яко Всемилостивая, всех притекающих к Тебе Помощнице, заступай нас во всех скорбех и нуждах, бедах и напастех, да зовем Ти:

Радуйся, Заступнице усердная рода христианского.

---

### **Икос 1**

Ангел предстатель послан бысть рещи Богородице «Радуйся», егда Бог Слово воплощашеся во утробе Ея: и мы, грешнии, прославляюще явление чудныя Ея иконы и Божественнаго Младенца Спаса Христа, со умилением вопиём Благодарней:

Радуйся, Богоизбранная Отроковице; радуйся, Мати Божия.

Радуйся, Царице Небес и земли; радуйся, светлое Церкви Небесныя и земныя украшение.

Радуйся, Ангелы чтима; радуйся, певаемая от Серафим.

Радуйся, светлое пророческое событие; радуйся, апостолов похвало.

Радуйся, мученическое исповедание; радуйся, преподобных венче.

Радуйся, праведных веселие; радуйся, грешных упование.

Радуйся, Заступнице усердная рода христианского.

---

### **Кондак 2**

Видящи, Всенепорочная, с высоты Небеснаго жилища Своего, идеже с Сыном Твоим в славе пребываеши, скорбь рабов Твоих в новопросвещенном граде, яко гневаго ради Божия посещения вера Христова поругаема бывает агарянским зловерием, благоволила еси явити икону Свою, чудесы ю

прославляючи, да утверждаемии знаменьями Твоея благодати,  
христоролюбивии людие верно вопиют Богу: Аллилуиа.

---

## Икос 2

Разумение трикратнаго явления Богоматере мудрая отроковица ищущи, течё  
ко властём, повёдающи им дивное явление и грозное прещение: мЫ же  
дивящеся свЫше данному отроковице вразумлению, благоговённо вопиём к  
Преблагословенней:

Рáдуйся, устнáми чíстыми хвалú Бóгови совершáющая; рáдуйся, тáйны  
благодáти Бóжия вёрным открывáющая.

Рáдуйся, невёрных сумнительное слýшание; рáдуйся, вёрных известная  
похвалó.

Рáдуйся, мóлние, невёрных устрашáющая; рáдуйся, слáвою чудес Твои́х  
вёрных рáзум озаряющая.

Рáдуйся, агáрянскаго зловéria обличение; рáдуйся, гордыни их низложение.

Рáдуйся, вёры христиáнскаго утверждение; рáдуйся, почитания святых ико́н  
освящение.

Рáдуйся, скорбь нашу в радость претворяющая; рáдуйся, несумнённою  
надеждою нас увеселяющая.

Рáдуйся, Заступнице усёрдная рода христиáнскаго.

---

## Кондак 3

Сила ВЫшняго благодатию Богоматере умудри и укрепи отроковицу к  
исканию многоценнаго Божия дара, и та, с верою дерзаящи о Господе,  
приступи к труду и, скрытое в земли обретши сокровище святых иконы  
Богоматери, радостно возопи к Богу: Аллилуиа.

---

## Икос 3

Имеючи благоутробное промышление о новопросвещённых людех града  
Казани, от пречестных Твоея иконы токи чудес источила еси, Владычице,  
слепым телесными очима зрение подаваящи, омраченных же душевно

свѣтом богопознѣнія и благочестія озаряюще, дѣвствующимъ под осененіемъ Твоея иконы пристанище небурное дарующи. Сего ради зовемъ Тѣ:

Радуйся, явленіемъ иконы Твоея тмѣ лютыхъ обстояній отгоняющая;  
радуйся, лучами чудесъ всехъ просвѣщающая.

Радуйся, слѣпыхъ прозрѣніе; радуйся, омраченнхъ смысломъ просвѣщеніе.

Радуйся, славо Православія; радуйся, тихое пристанище ищущихъ спасенія.

Радуйся, Мати целомудрія; радуйся, покрове и огражденіе дѣвства.

Радуйся, Еюже ликовствуетъ все множество вѣрныхъ; радуйся, Еяже ради рыдаетъ дѣмонское полчище.

Радуйся, всехъ христіанъ возжеланная Помощнице; радуйся, всехъ скорбящихъ Радосте.

Радуйся, Заступнице усердная рода христіанскаго.

---

#### Кондак 4

Бурю смятеній и крамолы врагами воздвигнутую в странѣ нашей утолити тщащся блаженный Ермогенъ, списатель чудесъ Твоея, Богоматери, иконы, слезно предъ нею молящеся и, видевъ, яко воинству православному в щитъ и побѣдное знаменіе Твоя икона даровася, вѣрою укрепляемый до конца животѣ своего, вопіяше Богу: Аллилуіа.

---

#### Икос 4

Слышавше православнии воины откровенную Преподобнымъ Сѣргіемъ святителю Арсенію тайну, яко предстательствомъ Богоматери судъ объ Отчествѣ нашемъ преложенъ на милость, икону Богоматерню, яко знамя побѣдное, приимше, исхитиша матеръ градовъ русскихъ изъ рукъ супостатъ и возопиша Заступнице христіанъ:

Радуйся, Мати Бога Вышняго; радуйся, яко за всехъ молиши Сына Твоего, Христа Бога нашего.

Радуйся, яко всемъ твориши спастися в державный Твой покровъ прибегающимъ; радуйся, Заступнице всехъ сущихъ в скорбехъ и болѣзняхъ.

Ра́дуйся, всём молящимся сокруше́нным се́рдцем пред пречи́стым Тво́им о́бразом полёзная да́рующая; ра́дуйся, изба́вление зо́л всём, невозврати́то наде́жду иму́щим на Тя́.

Ра́дуйся, ти́хое и до́брое пристáнище; ра́дуйся, ско́рая Помо́щнице.

Ра́дуйся, гото́вый и те́плый покрóве спасéния; ра́дуйся, исто́чающая на́м неоску́дныя ми́лости.

Ра́дуйся, предва́ряющая на по́мощь; ра́дуйся, изба́вляющая от все́х бе́д.

Ра́дуйся, Засту́пнице усéрдная ро́да христиáнского.

---

## Конда́к 5

Боготе́чная звезда́ яви́ся Твоя́, Богома́ти, ико́на, всю́ страну́ Росси́йскую обтека́ющая, луча́ми чуде́с Тво́их осиява́ющая все́х блужда́ющих по мо́рю стра́стного жити́я, мра́к печале́й и мглу́ всяких неду́г и скорбе́й прогоня́ющая и наста́вляющая на пу́ть спасéния с ве́рою к Тебе́ притека́ющих и вопи́ющих к Бо́гу: Аллилу́иа.

---

## И́кос 5

Ви́дев ца́рь Пе́тр, я́ко от святи́я ико́ны Богома́терни благода́тию Бо́жиею соде́ваются мно́гия чудеса́, прие́млет ю́ в путево́дительницу во́инству своему́ и в де́нь бра́ни на све́ев в щит и покрóв, и победи́в до конца́ врага́ с по́мощию Богома́тере, те́м ка́мень соверше́нный во основа́ние но́ваго ца́рствующего гра́да положи́, ико́ну же Твою́ чу́дную, я́ко освяще́ние, я́ко щит и огра́ждение, в се́рдце гра́да поста́ви. Сего́ ра́ди вопие́м Пречи́стей:

Ра́дуйся, жили́ще и до́ме Христа́ Бо́га на́шего; ра́дуйся, Вме́стилище неизрече́нныя Его́ сла́вы.

Ра́дуйся, гра́де одушевле́нный, при́сно ца́рствующий; ра́дуйся, пала́то преукраше́нная.

Ра́дуйся, Ра́досте градо́в и ве́сей; ра́дуйся, непобеди́мое христиáн в беда́х храни́лище и предгра́дие.

Ра́дуйся, Це́ркве Правосла́вныя похвало́; ра́дуйся, Ру́сской земли́ утвержде́ние.

Ра́дуйся, хри́столоуби́ваго во́инства Помо́щнице; ра́дуйся, враго́в одоле́ние.

Ра́дуйся, от бѣд избавлѣние; ра́дуйся, Матерними Твоими щедротами всѣх посеща́ющая.

Ра́дуйся, Засту́пнице усѣрдная рѣда христиа́нскаго.

---

### Конда́к 6

Предстояще пред пречы́стым Твои́м о́бразом архиереев сослѣвии и вси лю́дие, мона́си и мирстѣи, проповѣдуют, Госпоже́ Богороди́тельнице, вели́кия Тво́я мѣлости, я́ко гра́ды огражда́еши, оби́тели покрыва́еши, вѣси защища́еши, и, ве́дуще Тя вои́стинну Помо́щницу си́льну и непобеди́му, со слеза́ми прино́сят Тѣ́ моли́твы, да простре́ши к Сы́ну Твоему́ Богоно́сныя ру́ки за лю́ди Тво́я, во е́же изба́вити нас от всѣх бѣд и напа́стей, да благода́рне вопи́ем Бо́гу: Аллилу́иа.

---

### И́кос 6

Воссия́вши просвещѣ́ние и́стинное и отгна́вши дрѣвле ле́сть ага́рянскую во новопросвещѣ́нной странѣ́ Каза́нской, ны́не во всѣх гра́дех росси́йских све́тиши све́том чуде́с и мѣлостей: притека́ющий бо с ве́рою ко Твое́й ико́не цельбоно́сной скорбе́й изба́влѣние, неду́гов исцелѣ́ние и ра́дости вся́кия исполне́ния прие́млют, вопи́юще Тебе́ усѣ́рдно:

Ра́дуйся, неисто́щимый исто́чнице свята́ни; ра́дуйся, многотеку́щая реко́ Божѣ́ственныя благода́ти.

Ра́дуйся, грѣ́шных с Бо́гом примирѣ́ние; ра́дуйся, грехѣ́в на́ших очище́ние.

Ра́дуйся, благоче́стия Наста́внице; ра́дуйся, в до́брых дѣ́лах утвержде́ние и по́моще.

Ра́дуйся, до́брыя обе́ты прие́млющая; ра́дуйся, благо́им намерѣ́нием спосо́бствующая.

Ра́дуйся, злы́я начинания́ разруша́ющая; ра́дуйся, вра́жия ко́зни расторгáющая.

Ра́дуйся, ско́рая челове́ком Помо́щнице; ра́дуйся, мѣ́лость сугу́бо на́м пода́ющая.

Ра́дуйся, Засту́пнице усѣ́рдная рѣда христиа́нскаго.

---

## Конда́к 7

Хотя́щу наро́ду правосла́вному испове́дати ми́лости Преблагослове́нныя Цари́цы Не́ба и земли́ и по си́ле благода́рственная принести́ о избавле́нии его́ от нашест́вия иноплеме́нных, дивному хра́му, создáнному в чéсть пречудныя ико́ны, побéдная в дáр принесé, да всí пáмятующе ми́лость Богомáтере, спáсшия гра́д сéй и странú, в́ину воспева́ют Бо́гу благода́рными усты́: Аллилу́иа.

---

## И́кос 7

Сто́льному гра́ду Росси́и святáя ико́на Твоя́, Богомáти, вои́стинну яви́ся благáя Оди́гитрия, я́коже дрéвле Царегра́ду: к Тебé бо прибега́ют лю́дие, по́мощи Твоея́ на нача́ло пути́ и дéл свои́х прося́ще и благода́рственная принося́ще молéния пред пречи́стою ико́ною Твоею́ за избавле́ние от скорбéй и напа́стей, Тебé Помóщницу и Застúпницу крéпкую ве́дают. Тёмже благода́рственно вопи́ем Тí:

Ра́дуйся, Росси́йския страны́ покрóве; ра́дуйся, Правосла́вия в не́й огражде́ние и утвержде́ние.

Ра́дуйся, несокруши́мый щите вои́нов на́ших; ра́дуйся, бронé их неузвима́я.

Ра́дуйся, ко́зни враго́в облича́ющая; ра́дуйся, я́ко паучи́ну их растерза́ющая.

Ра́дуйся, нечест́ия обличéние; ра́дуйся, крамо́лы разруше́ние.

Ра́дуйся, ю́ных от заблужде́ний исправле́ние; ра́дуйся, ста́рцев утеше́ние.

Ра́дуйся, душевре́дных учéний низложе́ние; ра́дуйся, душеполе́зных знáний дарова́ние.

Ра́дуйся, Застúпнице усérдная ро́да христиáнского.

---

## Конда́к 8

Стра́нно и сумни́тельно неве́рующим слúшати, ка́ко от ико́ны Твоея́ то́ки благода́ти истека́ют, воня́ живóтная благоухáет: мы́ же, ве́рующе сло́ву, рече́нному Тобóй, Влады́чице, к перво́написанней ико́не: «С тобóй Моя́ благода́ть и си́ла», упова́ем, я́ко и с се́ю ико́ною благода́ть Твоя́ в́ину: тёмже благоговéйно предстоя́ще лобыза́ем ю́, поклоня́емся ёй, я́ко Тебé Самéй сущей, чéсть бо ико́ны на первообра́зное восхо́дит, и Твоя́ благода́ть се́ю

иконою знаменія и чудеса содевает всѣм с верою притекающим к Тебѣ и вопиющим Богу: Аллилуиа.

---

### Икос 8

Вся бѣвши горѣ, к Небесным взята, и земных не оставляеши, Богомати, священным Твоим предстательством: имаши бо матернее дерзновение ко Христу Богу нашему. Темже утверди в мире глубоче православных житиѣ и вся полезная всегда даруй рабѣм Твоим, да величающе воспеваем Тя:

Радуйся, Невместимаго вместилище; радуйся, осененная силою Вышняго.

Радуйся, прозябшая Клас Небесный; радуйся, мир весь душепагубнаго глада избавльшая.

Радуйся, вѣну ходатайствующая за род наш; радуйся, яко много может молитва Твоя пред Сыном Твоим и Богом.

Радуйся, всех нас при Крестѣ Сына Твоего усыновившая; радуйся, всегда Матернюю любовь к нам являющая.

Радуйся, Ходатаице вѣчных благ; радуйся, и во временной жизни полезная нам подающая.

Радуйся, известное прибежище наше во всех скорбных обстояниях; радуйся, несомненное утешение в печалех.

Радуйся, Заступнице усердная рода христианскаго.

---

### Кондак 9

Всякаго естества ангельскаго превѣшшая явилася еси, Пресвятая Дѣво: Бога бо зачала еси плотию, Невместимаго всеми вместила еси во утробѣ Твоей, на руках носила еси Носящаго весь мир дланию: темже, яко Честнейшую Херувим и Славнейшую без сравнения Серафим величающе Тя, вопиѣм о Тебѣ Богу: Аллилуиа.

---

### Икос 9

Витія многовещанныя, яко рыбы безгласныя, видим о Тебѣ, Богородице: недоумѣет бо всяк языкъ благохвалити Тя по достоянию, изумевает умъ пѣти

Тя, Богородице; обаче Благая сущи, прими и от нас архангельский глас, Тебе вопиющих:

Радуйся, Благодатная; радуйся, яко Господь с Тобою.

Радуйся, Благословенная в женах; радуйся, обретшая благодать у Бога.

Радуйся, родившая Спасителя миру; радуйся, Мати Сына Божия.

Радуйся, Родительнице Вечного Царя; радуйся, израстившая нам плод живота.

Радуйся, освященная Духом Святым; радуйся, осененная силою Всебшнего.

Радуйся, верная Раба Господня; радуйся, яко Тя блажат вси роди.

Радуйся, Заступнице усердная рода христианскаго.

---

### **Кондак 10**

Спасті хотящи многия от находящих зол, скорбей и болезней, чудную икону Твою, Богомати, даровала еси, еже ради слепии прозирают, хромии ходят, расслабленнии возстают, беснующиися исцеляются, земли плодоносие подаётся, людие от смертоносныя язвы избавляются, грады и домы от огня спасаются: темже прославляюще Бога, дающего нам таковыя милости, вопием Ему усердно: Аллилуиа.

---

### **Икос 10**

Стена еси, Богородице, стране Россійстей, градом ограждение и слава, православному воинству на враги укрепление. Темже, благодаряще Тя, вопием:

Радуйся, прославляющих Тя прославляющая; радуйся, не чтущих Тя посрамляющая.

Радуйся, врагов устрашение; радуйся, от нашествия иноплемённых избавление.

Радуйся, воинов крепосте; радуйся, в дни брани забрало и ограждение.

Радуйся, в дни мира живоносный саде, увеселяющий сердца верных; радуйся, оружие, егже трепещут демони.

Ра́дуйся, спаси́тельный елѣй, умаща́ющий грехо́вныя ра́ны ка́ющихся;  
ра́дуйся, тёплое на́ше упова́ние.

Ра́дуйся, несумне́нная на́ша Наде́ждо; ра́дуйся, ти́хое и до́брое пристáнище.

Ра́дуйся, Засту́пнице усер́дная ро́да христиáнского.

---

## Конда́к 11

Пе́ние хвале́бное и благодарственное прино́сят Тебе́, Влады́чице,  
припа́дающе ко ико́не Твое́й и любе́зно лобыза́юще ю́, дѣв ли́цы, под  
держáвным покрóвом Тво́им ти́хое и ми́рное ино́ческое жити́е  
провождáющи, и возложивше на Тя всё упова́ние, ра́достно вопи́ют Бо́гу:  
Аллилу́иа.

## И́кос 11

Я́ко светоприёмную свещу́, зрѣм Твою́ честну́ю ико́ну, Пресвята́я  
Влады́чице: та́ бо невеще́ственный о́гнь благода́ти Твое́я восприѣмши, и в  
подо́бих ея́ но́вы возжигáет свети́льники, причáстны тоя́жде си́лы  
благода́тныя, и озаря́ет чудесы́, наставля́ющи на пу́ть спасе́ния все́х  
вопи́ющих Ти́ си́це:

Ра́дуйся, Невѣсто Неве́стная; ра́дуйся, Богоизбра́нная Отрокови́це, Ма́ти  
Дѣво.

Ра́дуйся, до́брая Настáвнице непоро́чнаго дѣвства; ра́дуйся, Храни́тельнице  
ревну́ющих о чистоте́.

Ра́дуйся, же́н похвало́; ра́дуйся, дѣв велича́ние.

Ра́дуйся, вдо́в заступле́ние; ра́дуйся, сирóт призре́ние.

Ра́дуйся, ни́щих Пита́тельнице; ра́дуйся, наги́х одея́ние.

Ра́дуйся, печа́льных утеше́ние; ра́дуйся, скорбя́щих весе́лие.

Ра́дуйся, Засту́пнице усер́дная ро́да христиáнского.

---

## Конда́к 12

Благода́ть да́ти восхотѣвши почита́ющим Тя с любóвию, Богороди́тельнице,  
присуще́го Ти́ си́лу благода́тную оста́вила еси́ во святы́х Тво́их ико́нах, я́бо

Божественная благодать, спребываючи тем (иконам), знамения и чудеса выну содевает и душевных и телесных недугов исцеление всем с верою приходящим подаёт Твоими Богоматерними непрестанными к Богу молитвами о вопиющих Ему: Аллилуиа.

---

## Икос 12

Поюще Твоя чудеса, бывшая в древняя и настоящая времена, хвалим Тя, яко Животный Источник благодати, яко неистощимую реку чудес, яко бездну милости и щедрот, и все упование по Бозе возлагающе на Тя и в сей и в будущей жизни, прославляюще Тя, вопием:

Радуйся, христиан непостыдное упование; радуйся, верных спасительное прибежище.

Радуйся, ненадежных надеяние; радуйся, отчаянных спасение.

Радуйся, бане, омывающая совесть; радуйся, роса, оживляющая души.

Радуйся, болезней врачевство скорое и безмездное; радуйся, от всех бед быстрое избавление.

Радуйся, Утешительнице во всякой скорби; радуйся, из глубины погибели спасающая.

Радуйся, отрадо в день смерти; радуйся, единая Надежда и по смерти.

Радуйся, Заступнице усердная рода христианского.

---

## Кондак 13

О Всепетая Мати, рождающая всех святых Святейшее Слово, прими ныне малое сие моление и, величия ради благодати Твоея и бездны щедрот Твоих, не помяни множества грехов наших, но исполни во благих прошения наша, подавая телу здравие, души спасение, избавляющи от всякия нужды и печали и Царствия Небеснаго наследники сотворяющи всех верно вопиющих Богу: Аллилуиа.

---

Этот кондак читается трижды, затем икос 1-й и кондак 1-й.

---

## Їкос 1

А́нгел предста́тель по́слан бы́сть ре́щи Богоро́дице «Ра́дуйся», егда́ Бо́г Сло́во воплоща́шеся во утробе́ Ея́: и мы́, грѣшнии, прославля́юще явлѣние чу́дныя Ея́ ико́ны и Божѣственнаго Младѣнца Спа́са Христа́, со умилѣнием вопиѣм Благода́тней:

Ра́дуйся, Богоизбра́нная Отрокови́це; ра́дуйся, Ма́ти Бо́жия.

Ра́дуйся, Цари́це Небесе́ и земли́; ра́дуйся, свѣтлое Це́ркве Небѣсныя и земны́я украше́ние.

Ра́дуйся, А́нгелы чтима́я; ра́дуйся, пева́емая от Серафѣм.

Ра́дуйся, свѣтлое проро́ческое сбыти́е; ра́дуйся, апо́столов похвало́.

Ра́дуйся, му́ченическое испове́дание; ра́дуйся, преподо́бных вѣнче.

Ра́дуйся, пра́ведных весе́лие; ра́дуйся, грѣшных упова́ние.

Ра́дуйся, Засту́пнице усѣрдная ро́да христиа́нскаго.

---

## Конда́к 1

Изра́нной от все́х родо́в Засту́пнице ро́да христиа́нскаго, покровом Своея́ благода́ти покрыва́ющей страну́ на́шу правосла́вную, благода́рственная пе́ния прино́сим Ти́, Богоро́дице, о явлѣнии чу́дныя Твоея́ ико́ны. Ты́ же, я́ко Всеми́лостивая, все́х притека́ющих к Тебе́ Помо́щнице, заступа́й нас во все́х ско́рбех и ну́ждах, беда́х и напа́стех, да зове́м Ти́:

Ра́дуйся, Засту́пнице усѣрдная ро́да христиа́нскаго.

---

## Моли́тва пе́рвая

О Пресвята́я Госпоже́ Влады́чице Богоро́дице! Со стра́хом, ве́рою и любо́вию припада́юще пред честною́ ико́ною Твое́ю, мо́лим Тя́: не отврати́ лица́ Твоего́ от прибега́ющих к Тебе́, умоли́ милосѣрдая Ма́ти, Сы́на Твоего́ и Бо́га нашего́, Го́спода Иису́са Христа́, да сохранит ми́рну страну́ на́шу, Це́рковь Свою́ Святу́ю да незы́блему соблюде́т от неве́рия, ересей и раско́ла. Не има́мы бо ины́я по́мощи, не има́мы ины́я наде́жды, разве́ Тебе́, Пречи́стая Де́во: Ты́ еси́ Всеси́льная христиа́н Помо́щница и Засту́пница. Изба́ви все́х с ве́рою Тебе́ моля́щихся от падѣний грехо́вных, от навета́ злы́х челове́к, от всяких искуше́ний, скорбе́й, бе́д и от напрасны́я сме́рти: да́руй нам ду́х

сокрушения, смирение сердца, чистоту помышлений, исправление греховных жизни и оставление прегрешений, да вси благодарне воспевающе величия Твоя, сподобимся Небеснаго Царствия и тамо со всеми святыми прославим Пречестное и Великолепое Имя Отца и Сына и Святаго Духа. Аминь.

---

### **Моли́тва втора́я**

О, Пресвятая Владычице Богородице, Царице Небеси и земли, вышшая ангел и архангел и всея твари честнейшая, чистая Дево Марие, миру благая Помощнице, и всем людем утверждение, и во всяких нуждах избавление! Призри и ныне, Госпоже Всемилостивая, на рабы Твоя, Тебе умиленной душею и сокрушенным сердцем молящиеся, со слезами к Тебе припадающие и покланяющиеся пречистому и цельбоносному образу Твоему, и помощи и заступления Твоего просящая. О, Всемилостивая и Премилосердая Дево Богородице Чистая! Воззри, Госпоже, на люди Твоя: мы бо грешнии не имамы инья помощи, разве Тебе и от Тебе рождаемого Христа Бога нашего. Ты еси заступница и предстательница наша. Ты еси обидимых защищение, скорбящим радование, сирым прибежище, вдовам хранительница, девам слава, плачущим веселие, больным посещение, немощным исцеление, грешным спасение, Сего ради, о Богомати, к Тебе прибегаем, и на Твой Пречистый образ с Предвечным на руку Твоею держимым Младенцем, Господем нашим Иисусом Христом взирающе, умиленное пение Тебе приносим и вопием: помилуй нас, Мати Божия, и прошение наше исполни, вся бо суть возможна ходатайству Твоему: яко Тебе слава подобает ныне и присно и во веки веков. Аминь.